

Zi tunga pasal dinmun leh mohpuak

Kamkhenthang Guite

Pasian in innkuan om ding zia Laisiangthou ah hon lakin, pa tuh innkuan a dinga salam leh khalam a poimonte petu/pawkhetu - pang pipen - a hih dan muh theih hi. Siamchil in Pasian in Adam (pasal) tuh zuihding thu pia in (Gen. 2:16, 17), Eden Huan enkol leh huaia sem dingin koih hi (Gen.2:15). Evi (numei) tuh pasal panpihtu dingin A siam hi (Gen.2:18 & 21). Adam tuh siam masak ahizhiakin munei in pasal tungah thu a neitheikei (I Tim. 2:12,13). Hiai mimal nih, dinmun tuam piak tuakte tuh sa khat hi in, innkuan bawl uhi.

Thukhunthak ah pasal leh zi kal, Khrist leh A saptuam toh kibang ahih dan muh theih hi.

“Khris tuh Amah ngei pumpi hondampa hi a, saptuam’ lutang A hih mah bangin, pasal tuh zi lutang a hi ngala. Huchi a saptuam Khrist kianga a kiniamkhiak mah bangin, zite tuh bangkim ah a pasalte uh kaingah kiniamkhiak uhen. Pasalte aw, na zite uh it un, Khrist-in saptuam a ita, a sika a kipiak bangin, huchia tuia sila thua a hihsiangthou theihna dingin; huan huchia, saptuam tuh nin banglou leh, vuai lou leh, huchibang thil mawnmawng pu loua, siangthou leh gensiatbeia om zawa, amah leh amah tuh saptuam thupitaka a kipiak theihna dingin. Huchimahbangin, pasal-ten leng amau pumpi mah bangin amau zite tuh a it ding uh ahi. Amah zi itpa tuh amah kiit a hi. Kuamahin amah sa amah a haw ngei ngal keia, a vakin a deihtoh zaw nak hi. Khrist-in saptuam a vaka a deihtoh mah bangin. A pumpi hiangte I hi ngal ua. Huaiziakin pasalin a nu leh a pa a paisanin a zi a len chinten dinga, huan, a nih un sa pumkhat a hong hita ding uh” Eph. 5:23-31.

A tung Bible chang apan i muhtheih masa tuh; bang pansana, koi apan zi lutang hihna pasal in nei hiam chih ahi. Khrist tuh a sika kipia a (sacrifice) A hotdam, saptuam’ lutang ahi. Huaimah banga pasal tuh a zi’ sika kipia a, salam leh khalam suahtakna dinga a zi tunga mohpua ahihna tungtawnin zi lutang, huaituh pitu, ahi. Pitu, heutu hi dinglai, zuitua Adam ana pan ziakin a zi khelhna a amah leng lut ahihdan Gen. 3:6 ah muh theih hi. Khristian pasal tamtakte, saptuam leh khotanga heutu dinmun len siam mahmah napi mahni innsunga pitu nna la theiloua, zite tunga nga khanak chih om thei hi. Tate etkol leh thuilhna, sungkuan thumna leh kikhopna etc. a pitu hihna zite tunga nga kha maimah pawl i om hia? Khristian papite.

Khristian pasal tuh a zi it dinga thupiak ahi. Huai tuh, sika kipia tana commitment toh pai, itna. Zi it toh kisaia thubulpi i muh tuh, Khrist in leng saptuam a it. It ding zia tuh mahni pumpi ahizhiakin, “a nih un sa pumkhat hong hita ding uh”. Mahni zi natna, lungkhamna phokpihlou Khristian pasal om thei diam? Om theilou phetlouin, zite thuak zahzahin pasalin leng thuak zel hi. Saptuam a siangthoua dinga Khrist itna a poimoh bangin, zi tuh nin banglou, muanmoh kailou a omna dingin pasal itna poimoh.

Amah sapum a vak banga pasalin a zi vaka, deihtoh taka a zun ding ahi, Khrist-in saptuam a vaka a deihtoh bangin. Hiai zi tunga pasal mohpuaknain salam, lungsim leh khalam damna ding huapin, thulianpi tun kha hi. A kibanga hiai ahizhiakin, chih gentheihlouh, matter of degree om kha in teh. Himahleh, mahni hihtheih tana salam poimoh piak ding tuh pasal mohpuak ahi (I Tim: 5:8; I Kor. 7:5). Huaimahbangin, pasalin zi’ lungsim damna dinga poimoh, pahtawina (I Pet. 3:7) leh duatsiamna (effection) (I Kor. 7:3) piak ding ahi. Khalam khantouhna dinga poimoh theihnate a amah zi pi’ ding tuh pasal mohpuak hi masa hi (I Kor. 14:35).

Tulai khovel ah pawlkhatin (e.g., women’s lib movement) pasal poimohna gen neuin, innkuan sunga pasal dinmun pen numei in zong baihlamtaka len thei mai dan in ngai uh. Huchihlaiin pasal lakah zong, innsunga tate etkolna leh mahni zi makaihna lam ngaihkhawk louhna lian deuhdeuh hiam, chih theih hi. Khristiante laka, hiaibang ngaihnanin mun a neihlouhna dingin, leh mahni dinmun theia, mohpuakna semkhe zou dingin pasalte’n pan nasa zaw a lak poimoh hi. “Lawhchinna” i chih hi, mahni dinmun toh kituaka mohpuakna neihte sepkiak theih ahi. Kua a pa lawhching hih utlou ding, Khristian pasalte. ☒☒☒

CONTACT ADDRESS

Church Of Christ, Delhi,
Rz-2008/25, House No, 13, S.F.
Tuglakabad Extension, New Delhi-110019
Phone No. : 9953968807
email: khriissuangphum@gmail.com

'KHRIS' SUANGPHUM, A WEEKLY BULLETIN FOR THE MEMBERS
OF THE CHURCH OF CHRIST, DELHI, ON THE FIRST DAY OF THE WEEK'
website: cocdelhi.org

Enkaiitu: Jamson Guite | Panpihitu: Kham Minthang | Jangthang

BIBLE CLASS

Class	Teacher
Adult	: L. James Guite
Inter.	: Jamson
Primary	: Suanching

Toupani' Thilpiak
[01/06/2014]

₹ 18,020 /-

Tuni Biakna Hun zeek
[08/06/2014]

Thumna Hun-uk: Thongsiangdong
 Lapitu : Thawnkhansang
 Thilpiak : Thanglianmang
 Theihgigena : Thongginlian
 Thuhilhtu : Kamkhenthang
 Thumna : Pausuanlian

Kalnawn Biakna Hunzeek
[15/06/2014]

Thumna Hun-uk: Liankhogin
 Lapitu : Thangdouliau
 Thilpiak : Pauminthang
 Theihgigena : Janglet
 Thuhilhtu : Jamson
 Thumna : James

Kiginni Biakna Hunzeek
[14/06/2014]

Thumna Hun-uk: Jangthang
 Lapitu : Pauminlun
 Thuhilhtu : Pauliansiam
 Thumna : Kamkhenthang
 Amun: Unp. Kamkhenthang inn
 ☎ 9868934337

CHURCH OF CHRIST, NEW DELHI
FINANCIAL REPORT

May - 2014.

1. Opening Bal.	2,29,389.32
2. Total Recv.	61941.00
3. Grand Total	2,91,330.32
4. Total Exp.	26700.00
5. Closing Bal.	2,64,630.32

Bench-te ma a chair kidohte taneite a diing hituanlou a, a nunglam a tulou a amailam naih diing chih deihna ziak a kidoh ahi. A mailam luahtim i sawm diing uh.

THOUGHT OF THE WEEK

**Bang achia mite'n gilou baihlamtak a hih naak
 uh ahia? Gitlouhna gawt a a-om pahphalouh
 ziak uh ahi (Ekljiasti 8:11).**

Thu Tuamtuan
KIKNAWNTA

☛ Kha bangzah hiam paita a damlouhna khenkhat ki check up sak diing a Lamka lam akipan a hong zin unaunu Zaniang hun sawt kuamtak i lak ua a om nung in kal paita ningani in Lamka lam zuan in ana paikik nawnta hi. Unaup a Thangkhangsiam in leng zui a, huailam a va omtadih phot diing hi in thutut kingah hi.

☛ Kal masa a Chandigarh akipan a hongzin unaunu Venting leh Pakhoih te'n leng kal paita seppatni in a omna lam uh zuan in honna kiksian nawnta uhi. Unaute toh biakkhawmna zatkhawm lunggult a hong zin uh hi in kigen ua, phathuai mahmah uh.

☛ Exam diing poimoh a neihziak a Delhi hong zin unaupa Lutneilel in leng kal paita seppatni mah in a omna Mumbai khopi lamzuan in honna paikiksawn nawnta hi. Unaup a ahileh tuel a asepn a ziak a a zi leh tate toh Mumbai a khosa ahi.

ZINKHIA

☛ Unaup a Khamminthang in Lamka lam a hih diing poimoh khenkhat a neih man in kal paita seppatni in honna zinkhiaksan hi. Tukul sung ngei a hongtung kiknawn pah diing hi thutut kingah hi.

Thu Tuamtuan
MEETING OM

☛ Zan kiginni biakkhawmna zoh in unaupa Janglet inn mun ah saptuam vai a tutkhawmna poimoh tak mai neih in om hi. Hiai hun a saptuam sum dinmun etkhawmna leh thu poimoh tuamtuan kikupkhawmna om hi.

JULY 29 ANEIH HI DIING

☛ Saptuam in ina gelsa leh i na taklatsa uh Bible quiz pen ahong tung diing july 29 (Tuesday) a neih hi diing in saptuam in ki thupuk hi. Thuchian kimzawsem meeting nawn Chiang a genfel ahi diing. A ni diing genfel hita ahiman in nasa tak a sim ngaita diing abang.

VEHNA NEI UH

☛ Zan kiginni in Benevolence team-ten sawmpek akipan a damlouhna ana tuak unaup a Joseph Suantak vehna vanei uhi. Amau saptuam vehna in dangka teng 5000 va pia ua, hasotna leh thumsakna hohtak leng vanei uhi. Unaup a'n leng kipak petmah ahildan leh maban a khalam a hatzawsem diing a kalsuan sawm ahildan unau kal vasuante kiang ah taklang hi.

LEITHAK HI DIING

☛ Biakkhawmna a vanzat poimoh khenkhat- folding table, VGA cable leh lecture stand khat chiat lei diing lem kisa hi. Unaute Janglet, Jangthang leh Biakmang ten hon ngaihtuah diing uhi.